

04/08/2001

25 pasukan sertai Rali Silverstone Asia 2001

RALI Silverstone 4x4 Asia 2001 akan diadakan pada 11 hingga 19 Ogos ini dijangka membabitkan 25 pasukan dari Malaysia, Jepun, Taiwan, Australia, New Zealand, Jerman, China dan Thailand.

Perdana Menteri, Datuk Seri Dr Mahathir Mohamad sekali lagi menjadi penaung bagi acara yang mengangkat martabat rali pacuan empat roda di Asia Pasifik.

Menurut satu kenyataan yang dikeluarkan semalam, rali itu akan membabitkan laluan antara Malaysia dan Thailand meliputi perjalanan dari Kuala Lumpur ke Johor dan kemudian ke Pantai Timur sebelum menyeberangi sempadan Thailand.

Peserta kemudian akan meneruskan perjalanan di Pattani, Nakhon Si Thammarat, Phuket dan Haatyai sebelum bertolak balik ke Malaysia yang akan berakhir di Pulau Pinang.

(END)